

白
雪
樓
詩
集

白雪樓詩集卷八

五言排律

送固始申明府還縣

香里絃歌邑春風獨在茲
旋歸瞻日遠留借見
天私復送仙鳧去言趨竹馬期
渡河蚕月早行
縣麥秋遲楚國先賢傳
梁園上客詞知君才不
忝遙以慰相思

送李太守之東昌

諸侯辭北極千騎向東方
十二稱天府風煙接

白雲寺言集卷之八
帝鄉地形來海岱漕輓自徐揚春滿弦歌邑花
明太守章射書延上客照乘得高唐寇息解刀
劍人和下鳳凰軒帷塞雨雪郡閣卧星霜治行
兼經術諸曹借寵光

送宋宇少府之蒲城

別離有楊柳折贈擬琅玕古道千人失時才一
尉難清秋開少府紫氣指長安梅福稱仙仕蒲
城得吏歡河聲公檄靜嶽色訟庭寒鴻雁雲中
出芙蓉月下看三秦至豪傑兩漢數衣冠馬翊

今遺邑何輕佐幕官

荅謝生盤山詩

愛爾躋攀處竒踪滿報章
山盤元氣出寺抱翠微
藏拂石搖天影披花帶
雨香千峯回白首萬壑
步清霜鼓角關榆墮旌
旗塞草長陰風來大漠
秋日下漁陽海色秦城外
邊聲漢苑旁欲因臨望
代遂得紀金湯

送楊給事河南召募

醜虜休南牧朝廷議北征
幄中新授律天下大

徵兵使者持符出君惟抗疏名黃金秋突兀白
羽日縱橫嶽雪三花秀河水萬馬行將軍邀劇
孟公子得侯羸屠販多豪傑風塵鬱戰爭有呼
皆左袒無役不先鳴寧久燕山戍終期瀚海清
過梁投賦筆更爲請長纓

送林章之郎中讞獄南海

舊識于公傳新知陸賈才漢章雙鳳下越郡五
羊開旌節看山駐樓船截海來長安天北望使
者日南回訟府蒲堪挂刑書竹可裁明珠蒲舍

浦應照不然灰

送祠部莫郎中貴州提學

薊門一相送楊柳未堪攀亦是文章地寧虛供
奉班西南天欲盡羗笮日多艱鼓棹過三楚傳
經到百蠻春雲蒸赤水秋雨瘴青山早就中和
頌諸生憶漢關

題歐職方鵝山泉高齋

聞君讀書處乃在薊山阿水色開窻檻泉聲散
薜蘿濯纓秋雨至把釣夕陽多白壁澆田出寒

流沒羽過風塵無燕息賓客有羊何一自從王
事空爲勞者歌

集元美宅送汝思吳峻伯袁履善三比部
別賦吾能作還銷客子魂上林又黃鳥何處此
青樽帝念徵兵日人銜祝網恩星榆散使者春
草待王孫于役分江徼相思共薊門風塵異南
北莫向雁書論

賦得邊馬有歸心

飛將驅天廐乘秋踏大荒三軍呼驃騎一戰蹶

名王急難才堪老橫行勢可當嘶聲悲漢月顧
影淨胡霜總轡陰山上鳴鑣瀚海旁何如春草
色蹶蹶向長楊

得殿卿書兼寄張簡秀才

久客踈歸計吾徒足醉眠風塵猶逆旅服食豈
神仙老母須微祿郎官亦冗員時名非我意詩
句衆人傳雞肋堪誰棄蛾眉幸自全羈情驚歲
晚法署向秋縣竊笑吹竽濫深慙抱甕賢青雲
浮世外白眼貴游前流俗終違性佯狂始入玄

所耳才太拙敢望病相憐寄字存加飯興言問
着鞭支離如昨日飛動異當年直覬亡胡虜殷
憂切御筵逐臣收佩玦大將與兵權報主謀安
出和我譏已偏乘輿空汗血錦綉被腥羶帷幄
今何事京師未晏然乾坤多壘後仕官畏途邊
海岱生瑤草朋從拾紫煙伊余方物役回首薊
門天

七夕集元美宅送茂秦

祖席陳瓜果征衣理薜蘿雲邊看露掌花裏出

星河仙吏揮金枕佳人罷錦梭新知天上少
香句鄴中多踈拙時名棄歡娛虜騎過秋風吹鬢
髮落日渡滹沱七首荆卿贈刀頭桂客歌明年
見牛女能不憶羊何

碧雲寺

飛塔標龍藏長橋挂虎溪五王開壯麗二梵樹
菩提淨土黃金布香臺碧漢齊經過初地變徙
倚上方迷杖底籠清磬虛閣散御題屢疑窮糾
宇復道出卍梯天樂蓬萊近祇林日月低水流

僧舍下雲起佛堂西深愧雕蟲技難同怖鴿棲
慈燈縣廣劫處處得摩尼

香山寺

往時占紫氣馬上看香鑪不是尋幽到其如發
興孤廻標臨北極秀色攬西湖樹杪諸天出塔
前衆壑趨花臺騫地起風鐸敞簷呼月抱蟾蜍
石星搖舍利珠玉毫浸瀑水金相湧浮屠妙偈
傳從竺高僧至自胡法輪皆帝力下界復神都
行幸當年事人王握大符

經華嚴廢寺爲虜火所燒

醜虜殊猖獗諸僧坐播遷無方超寂滅有地入
烽煙境壞秋原上門空暮雨邊虛聞金作粟真
見火生蓮星影疑瓔綴雲光學蓋縣焚身香象
泣照鉢燭龍然莫辨沉灰劫猶傳喫酒天至今
餘淨土不復一燈傳

人日同元美子與公實集子相宅得寒字
年華開此宴春色又長安得日人相勞披雲客
共歡貼屏皆綵勝佐酒尚辛盤北雁先花發西

山過雪看文章投壁盡心事斷金寒不但蕭朱
輩論交自古難

初春四首

物色看如昨愁時獨不醒春陰含雨白日氣宿
霾青國士紆三表王師壓二庭獻俘當祖社制
勝本朝廷使者行飛輓將軍議勒銘誰憐劉子
駿心事有傳經

橫海樓船下平胡羽檄飛五雲高王氣三殿敞
春暉卜相敷文命徵兵出武威風塵終混合日

月此瞻依薄宦無工拙浮名有是非陸沈吾豈
敢踈嬾世人違

使者歸朝疏將軍捕虜才乾坤百越震烽燧九
邊來國步艱難過天顏駘蕩開紫宮春窈窕羣
省日徘徊白石飯牛客黃金圖駿臺終看成遇
合未可怨無媒

薊北看春色羈情坐鬱然官猶膠柱在名豈濫
竽傳汨沒終何事文章自有權薄遊多難後知
已衆人前踈拙容高枕風雲讓着鞭客嘲安用

解執戟至今憐

五日同子相遊天寧寺

四海攜名士彌天得上方
綵絲還令節白馬自開皇
揮拂靈花裏攤經祇樹傍
燈輪侵日出塔影入雲藏
淨土殊幽事清齋復妙香
幻知看綬冕靜欲厭詞章
薜荔來風雨杉松接渺茫
人間空兢渡未解問慈航

立春日示子與

舊游離別盡病客尚文園
此地看春色唯君大

雅存揮毫當北斗握手向中原夙昔爲郎意平生
生知己恩紫氣臨燕塞青山擁薊門豫愁分袂
日花裏倒芳樽

燕京篇

燕京豪俠地杯酒爲君陳雙闕西山下諸陵北
海濱薊門行雨雪黍谷變陽春騶行初臨碣荆
軻故入秦黃金來駿馬白壁售佳人定鼎還先
帝千年正紫宸

哭陶侍御

伏柱稱仙吏彈冠即諍臣逢時隨八彥攬轡屬
東廵抗疏惟安漢危言屢借秦寵光回造化正
色上星辰夢已摧高翼災非批逆鱗孤臺遙向
夜五柳黯傷春白鶴還來客青驄豈避人朝廷
存折檻道路指埋輪擊隼才何健神羊氣不馴
分陰空自惜浮世轉難陳風裁登車罷霜華挂
劍新群鳥哀就老列栢采爲薪鬱鬱匡君意飄
飄出使身廬山彭澤外落日九江濱

哭公實六首

逝矣梁公實清時隱漢關扁舟浮大海健筆誌
名山豈悟風流盡猶言洗沐還文章憎白髮服
食誤紅顏禪草來天上玄經出世間縱爲華表
鶴羽翻已難攀

客有燕山至傳君喪海隅含香情不厭辟穀事
還迂詞翰家長技經綸國大儒天心曾爾輩雪
涕自吾徒精氣乘朱鳥浮生過白駒所悲無舊
物此道失前驅

實沈其爾崇單闕乃爲灾偃蹇非關病文章未

白雲樓詩集卷之二
盡才他人紛項領之子渺塵埃白日中原墮高
秋大海迴自逢雙鶴至誰叱五羊來欲挂延陵
劍風雷不可開

一虛郎署問竟負帝鄉期此日名堪定千秋事
可知賦寧爲異物人已不同時垂白君應妬還
丹我自疑橐裝高卧盡椎結舊遊悲坐識藏舟
理行令荷鋪隨

從此微言絕何當大夢醒人間矜意氣地下闔
精靈虛室還生白遺編竟殺青浮名流景過夫

子望秋零同舍悲離索投詩哭杳冥山陽風雨
夜隣笛未堪聽

嶺南秋慘淡海上日蕭森不王衣冠氣云亡雅
頌音操斤臣質少題柱主恩深此物何陵替斯
人乃陸沈衆方疲道路爾欲久山林所以生芻
豢終難託素心

郡齋同元美賦得高字

塵如昨日千里得同袍秋色隨佳句浮名避
濁醪故人滄海遠使者白雲高小郡常縣榻君

家自佩刀飛揚鞭拜約慘淡簿書勞別後看多
士元龍未似豪

宿華頂玉井樓二首

玉井通溟海朱樓冠削成波傳潮汐到檻接斗
牛平虎魄侵燈出蓮花傍枕生拂盆雲髮暗映
掌月珠明犯座人間象浮槎世上情不愁更漏
絕石鼓自能鳴

不寐芙蓉冷幽棲薜荔驚靈胡秋鼉鼉毛女夜
妖精暗穴龍蛇走深林虎豹耕星連碁石布雨

共洗盆傾霜絕千尋鎖風邀五舌笙豈因臨帝
座呼吸變陰晴

冬日王給事出示許中丞苦熱詩卷

最秀中丞句尤奇苦熱篇開函迴白雪展卷失
寒天硯石猶堪礫壺冰豈自堅蠹魚冬不蟄螢
火夜應然才是洪鑪縱名將汗簡傳歌來探綵
扇寫罷撤青氈藻筆還生色雲箋更雜煙五言
如挾纊一字解纏綿病暍南風後魂銷大雅前
霜臺三十載就日片心懸

和殿卿味梅篇

忽報探梅句深知水部賢空梁流漢月寒色動
江天影落青樽裏花生綵筆前新妝縈素練白
雪洒繁絃南國書堪寄春風病獨憐更慚清思
減不及兔園篇

爲魏使君送黃生歸楚

太守高齋客時名豈易同六朝相上下五馬共
西東非土悲王粲通家賴孔融登臨存勝跡坐
嘯挹清風四塞渾河險三峯日觀雄楚才元自

老郢曲本難工裂素題班篋裁繻謁漢宮歸堪
吞夢澤卧合起隆中雨雪綈袍暗江湖劍氣空
武昌魚正美彈缺意何窮

送魏文可孝廉省試時使君上計與偕

朝宗方岳入問寢孝廉行經術俱高第傳家接
大名雲霄雄北上事業壯南征奕世和戎策江
湖戀闕情一毛隨鳳集合浦讓珠明物色燕常
浦人才楚至精千金圖五馬片玉抵連城績奏
龔繩直辭含樂鏡清賜車郎署美奪錦士林榮

計吏分憂下文場得雋鳴
召公今乃父丙相昔
同聲會使臨軒日風流動漢京

夏日襲生過白泉精舍索贈

本自巖扉客承家事耦耕
中年歸卒業壯歲託
論兵身覺儒流貴心疑俠氣輕
垂成看一第良
久遜諸生狗曲群爲詬毛詩獨著名
貧終諳世
味老益見交情伏臘書相勞
寒溫酒數行白泉
鍾乳色黃鳥竊脂聲彩電投壺
出踈星對局明
即知河朔會風昔已縱橫

夏日張茂才見狂林園二首

殘書開積雨高枕對重林非爾乘幽興無人惠
好音分寧雞黍薄交自布衣深不改青松色堪
知白雪心諸生貧嗜酒多病老抽簪何必論丘
壑金門總陸沈

當時河朔飲未必勝陶家古井層陰合虛亭落
景斜敲碁來凍雨散帙映明霞樹轉雙文鳥盤
浮五色瓜清談開暑氣白髮瑩冰華更有忘憂
草能回隱士車

白雲樓詩集卷八
三
荅潘仲子和贈張茂才見在園林之作

似解滄洲趣因傳白雪聲時才方上下秋興獨
縱橫車馬分交態林園斷世情名寧花萼重句
自薜蘿清弱冠推高第雄飛失後生二毛知老
筆三抱見連城業已深移病閑仍事耦耕有君
堪倒屣一爲欵柴荆

重送張閩使

將才君自有儒術衆誰如廷對諸生策家傳孺
子書百蠻麾下出兩浙閩中居故事單醪在流

言二卵虛名應銅柱上身是玉關餘拊髀方今
日君恩未可疏

再上少宰誦德述懷

弱冠登高第詞林擁重名兩朝廷侍從空冀走
諸生身自宮僚備親看國史行稍遷猶八座加
授即孤卿不盡蕪曹美長餘列署清文章關王
氣儒術定家聲羽翼衝天就波瀾赴海成見知
同筆研記憶控銓衡雞肋才華薄羊裘物色輕
人應疑畫餅君但入調羹北斗如相照南山亦

至情少微雖冗宿同向掖垣明

天官殷少宰翟淑人輓歌

弱歲徵箕箒童年託舅姑餘光東壁駐慈色北
堂敷裘褐雲霄度蘋蘩日月徂國香堪是夢閨
秀豈爲芻零露晞金掌清冰涸玉壺珠沉知旁
斗絃斷憶將雛鳳逝泥書暗鸞銷水鏡孤繪帷
含藻落彤管帶花枯作楫君能事裁舟妾敢誣
網蟲遺挂在羅雀外家無雜佩傳淒響殘機激
壯圖乳糜疑自愛琴瑟訝相扶兩鵠云當復三

魚兆已符客悲來白鶴帝寵會青鳥河漢深難
越天門近可呼精靈成婺彩千古照皇都

荅報顧中翰

政本趨陪地身隨宰相行兩房深侍從三殿雅
知名染翰宮雲濕蕪銜掌露清與聞鍾五字同
病沈雙聲何意乘槎客能憐伏枕生投詩迴俗
態把酒說交情敢謂龍門峻難霑鳳沼榮華陽
今夜月醉眼爲君明

與子與游靈隱寺吳馬諸公同賦

片雨挂龍湫清風嘯虎林海浮西域至江挿洞
天深簿領將遙集名山豈陸沉地靈聞水樂岫
隱見雲心金粟寒應結香爐迥自陰藤蘿寨窈
窕臺殿倚蕭森石笋高搖筆蓮花淨盍簪何須
懷謝客俱解越中吟

初抵浙中感遇一首呈馬丈

冀北登車日淮陽卧閣年
襜帷非不撤舞袖竟難旋
一顧堪千里群疑託二天
門生高自出屬吏拙相憐
紫氣臨關動文星傍斗縣
樵漁歸計

穩犬馬受知偏物色中原起封章上國傳江湖
餘壯觀風俗美多賢下榻時名盡分庭客禮全
隋珠如片月長在報恩前

贈陸膳部

清覽三臺上名家四姓前累朝霖雨望群從聚
星賢北斗尚書府南宮視草年秩宗周典禮膳
部漢常員官屬青雲氏才高白雪篇微言黃絹
在美節素絲傳筆彩春生署蘭薰握近天明光
寧再入空此羨神仙

貞石篇為吳比部賦

砥石高王室盤宗壯帝京支機河漢迥浮磬泗
濱清孺子兵書號郎官水鏡名一鞭皆至海三
獻即連城絕學驅羊起群從伏虎生梧臺深自
饗司寇雅稱平磊落披雲氣馮陵轉壑聲雄藩
隆岳佐華省映星精文陛含香入巖廊草奏行
綵毫揮五色何限補天情

白雪樓詩集卷九

七言排律

郡齋同元美賦得明字

落日千山短髮明。蕭條轉見故人情。時危小郡
徵求少。秋到高齋卧理清。豈謂文章妨遇合。深
知偃蹇負平生。論心對我杯中物。握手看他世
上名。遂使浮雲愁大陸。何來二子在孤城。風塵
如此仍爲守。愧爾新詩滿帝京。

送歷城李明府入計

五陵佳氣薊門東。此地車書四海同。葉令遠爲
朝會使。漢家新起建章宮。君王受計當天。月
朔垂衣出禁中。臺史莫疑鳧屨至。都人已識馬
能工。三齊郡國推高第。百里絃歌播大風。清問
即求封禪草。好因文似薦楊雄。

題徐子與門生汪惟一竹丘圖

靈丘隱者一逃名。萬竹臨江見底清。徙倚七賢
相寄傲。便娟二女重含情。葛陂詎信雙龍影。嶰
谷空傳五鳳聲。風雨長教秋色駐。冰霜兼與歲

寒盟投竿渭水。才堪老受簡梁園賦。已行願得此君開蔣徑。不妨佳客醉宜城。浮雲西北來何暮。今日東南美自并。截作武陵溪上笛。方知馬援有門生。

留子與署中

抗城落月早潮生。憲府松杉風亂鳴。伏枕待三從効免。移文滿百不留行。何人更許彈冠會。唯爾還堪倒屣迎。十載寒溫無長物。一時出處有餘情。酒斟白玉吳姬色。賦擲黃金楚客聲。大抵

冥鴻心自遠。曾來老驥氣難平。浮雲在昔縣秦
望。北斗依然捧漢京。吏挾江湖纔是傲。交論冰
雪未為清。官聯西省聞題柱。家本同鄉見請纓。
誰似兩朝銜寵遇。它如群少失縱橫。樽前且抗
持螯手。世上空傳染翰名。須聽松杉風再起。晚
潮乘月到杭城。

與劉憲使過子與大佛寺

西湖斜日淨風煙。北嶺峩峩出半天。磴道乍疑
空外轉。樓臺已入鏡中縣。塔分西域銅餅勢。石

紀秦官錦纜年。白社但須彭澤酒。青山不用華
家錢。波搖玉樹堪雙映。月上珠林好獨眠。我輩
自狂君莫訝。平生未敢謬周旋。

白雪樓詩集卷十

五言絕句

寄殿卿

一作山中客蓬蒿自滿廬舊游誰獨往新著復何書

別意

朝來送歸客復此長河湄立馬折楊柳已無前日枝

山中

君去何時歸山中春草夕莫將白雲廬不及紅
塵陌

贈元美

共擬懷人作先成幼婦篇微音知者少佳句法
誰傳

寄題宗秀才茂登池亭二首

笑此杯中物從他世上名黃金結客盡誰識濟
南生

窻中采蓮舟落日菱歌起坐見浣沙人紅顏照

秋水

渡易水贈伯承

七首腰間鳴蕭蕭北風起平生壯士心可以照
寒水

郡齋同元美賦得傍字

三載邢州客看人道路傍風塵君自見誰愛接
輿狂

酬郭子坤感懷四首

懷璧如明月連城未肯開君王終見賞且爲守

白雲樓詩集卷之二
蘭臺

若問浮生事風塵病裏過
開樽看漸少伏枕似還多

何來雙鬢雪五月鏡中寒
便欲煩君鑷蕭蕭不可看

不須婚嫁畢始作尚平遊
五嶽年年在浮雲處處愁

戲呈子坤三首

聞君携愛妾辛苦事求仙
自繡浮丘鶴長齋子

晉前

家有秦臺女青雲路不遙但愁明月夜天上喚
吹簫

卅竈幾時開妝成倚鏡臺不須嗔竊藥本自月
中來

病中贈殿卿二首

年來殊不病那得似維摩玄度談名理支公柰
爾何

玉兔操金杵誰知擣藥年豈應天上住不有病

神仙

冬日四首

憔悴江湖上行吟雨雪寒不逢漁父問誰作楚臣看

日澹平陵城寒高華不注北風湖上來雪片大如鷺

客來堪自見酒盡且須酤不是南山色貧家一事無

風雪不出門苦吟何時已沽酒城中還先生擁

褐起

立春二首

綵花可憐色爲報漢宮春
今日文園客依然四壁貧

駘蕩還春色蕭條亦世情
不然三徑裏豈愛蔣元卿

漫成二首

有酒但須飲無世不可避
方其潦倒時何與傍人事

翟公既罷官人棄理亦賤殷勤莫署門交情不
必見

桃花嶺

一度桃花嶺煙霞處處新縱迷源上路猶似武
陵人

丁香灣

平潭澹不流寒影群峯集斜陽一以照彩翠忽
堪拾

春日自戲

自從移疾後誰謂主恩踈每及山林士天顏滿
薦書

殿卿示樂府序小詩報謝

知音千載事君適賞心同從此三都賦人傳左
太冲

山房書壁二首

夏日山房清田作稍就次銜杯自有真高枕元
吾事

隣翁華相勞斗酒不須滿且持伏雌還視君床

下卵

荅寄襲懋卿

白首知經術青袍見主恩爲尋揚子宅不到五
侯門

和題郭山人五嶽游囊雜錄六首

五嶽圖

遠游何所佩五嶽真形圖恠爾煙霞裏精光互
有無

杖

十載相携處白雲知幾重莫經葛陂道風雨去
爲龍

衲

夜投東林寺北風雪大作捫虱對山僧衲衣不
堪着

鋤

百草各爭芳蘭生詎能那竭來深谷中我鋤還
自荷

瓢

山中無供養時復飯胡麻不是桃源水何人漱
落花

觚

醉來市上眠我觚不離手本自高陽徒逢人時
乞酒

歲杪再得殿卿書却寄

連札鴈池來春風錦字開似看嵩少雪把酒上
平臺

和子與留別二首

別酒故人同留詩古寺中惟應湖上竹一為起

清風

結客五陵東相邀入漢宮但

雌雄

白雪樓詩集卷十一

七言絕句

遊仙曲

一聽黃竹寫歌鐘
人醉春臺十二重
琪樹花開巢孔雀
瑤池水煖出芙蓉

寄襲勗

白雲湖上白雲飛
長白山中去不歸
君在幾峯秋色遍
何人共結薜蘿衣

惆悵詞

休將翡翠縮金針，不折芙蓉綴玉簪。
誰見雲中雙比翼，空傳月下兩同心。

送殿卿

莫辭杯酒薊門春，匹馬明朝客路新。
陌上少年君自見，相逢誰是眼中人。

送劉戶部督餉湖廣五首

洲邊處士題鸚鵡，陂上公孫擁驢驢。
到日夏雲生七澤，愁時秋色滿三湘。

馬上春風白接離，花開應醉習家池。
鹿門蒼舊

何人在今日襄陽異昔時

漢江春水竟陵東江樹蒼蒼繞沛宮
父老只今猶望幸君王按劍顧雲中

洞庭仙使日相乘君自扁舟似李膺
江雨茫茫江草徧不知何處是巴陵

錦帆南入楚雲重江上遙看衡嶽峯
落日蒼茫秋不斷青天七十二芙蓉

與元美集李郎中賦示謝生

仙郎歌動白雲秋酒滿金樽月滿樓
借問西園

白雲山房詩集卷之八
飛蓋客座中誰不似應劉

送吳郎中讞獄江西三首

春風躍馬出長安送別江南路渺漫共說豐城
龍劍氣到時還向獄中看

廬山北望楚天分君去揚帆入綵雲草色秋迷
彭蠡澤不知何處弔番君

三十三峯淦水陰中藏玉筍白雲深自從歸去
神仙尉秋草茫茫不可尋

席上鼓飲歌送元美五首

翩翩白馬度秋風，共醉胡姬酒肆中。
舞劍吹笳歌出塞，送君朝發薊門東。

落日銜杯薊北秋，片心堪贈有吳鉤。
青山明月長相憶，白草寒雲迥自愁。

風色蕭蕭易水寒，荆卿七首入長安。
憐君更向江南去，此地何人意氣看。

青楓搖落氣悲哉，客有將歸張翰才。
東望三吳秋色裏，挂天帆影大江來。

碧天無盡白雲孤，到日扁舟落五湖。
不見薊門

秋草色愁心明月滿姑蘇

雪後憶元美

雪後千門月色開故人遙憶子猷回
饒他已盡山陰興半夜還須載酒來

送子相歸廣陵七首

茂陵消渴卧詞臣搖落秋風白髮新
漢主豈無金掌露馬卿元是倦遊人

相逢杯酒薊門關腰下并刀明月環
開匣贈君當落日能令秋色滿燕山

少年裘馬結交場壯歲功名竹帛光海內黃金
看意氣人間白雪見文章

薊北青山照別卮請君聽我秋風辭揚州十月
梅花發江上春光好贈誰

白雲無盡楚天寒鴻雁蕭蕭楓樹卅楊子月明
愁裏度蕪城雨色夢中看

廣陵秋色雨中開繫馬青楓江上臺落日千帆
低不度驚濤一片雪山來

廣陵城上秋瀟瀟濤聲欲來風色驕聞道蹴天

三百里不知何似浙江潮

再別子與四首

徐卿寵送酒如何半醉當筵楚調歌
握手燕山春草色緘書西省白雲多

馬上垂楊綰別愁樽前斜日爲相留
明朝何處風塵吏回首青雲是舊遊

薊門山色雨中開三月漁陽春水來
愁殺故人看錦字白雲秋樹滿燕臺

知君起草建章宮每見徵書問畫熊
在昔漢臣

多領郡黃金先賜右扶風

留別吳舍人三首

舍人書札五雲開應笑風塵減吏才池上鳳凰
今不見何因得下郡城來

檐帷明日罷朝天擬向風塵避少年君自楚人
諳故事于今白雪有誰傳

薊門春色送歸愁楚客思家屬倦遊借問何人
賦搖落白雲依舊洞庭秋

塞上曲四首送元美

燕山寒影落高秋，北折榆關大海流。
馬上白雲隨漢使，不知何處不堪愁。

漢兵圍合左賢王，吹角千山夜有霜。
君試狐奴城上聽，豈堪秋色滿漁陽。

西出居庸大漠開，胡塵遙暗白登台。
愁看塞上蕭條色，落日秋風萬里來。

白羽如霜出塞寒，胡烽不斷接長安。
城頭一片西山月，多少征人馬上看。

留別子與子相明卿元美四首

青雲如舊滿燕關
病客風塵且自還
到日郡齋春酒熟
城頭何限太行山

使君千騎自東方
回首春雲五鳳凰
此日主恩曾不淺
還容長孺卧淮陽

總爲風塵去住難
黃金臺上醉相看
倏然落日離歌起
忽爾燕山白雪寒

莫道休官意不真
三年爲郡苦風塵
青雲縱有憐才客
白眼終非解事人

於郡城送明卿之江西四首

江上青山滿謫居還家莫戀武昌魚君王日下
求賢詔憶爾還開諫獵書

青楓颯颯雨淒淒秋色遙看入楚迷誰向孤舟
憐逐客白雲相送大江西

長安二月縮垂楊爲爾踟躕五驕驍今日故人
投轄地况逢山色滿邢襄

高齋秋色滿西山梅福當年此抱關君到豫章
勞問訊漢家遷客幾人還

郡齋同元美賦得橋字

山色秋停使者輶孤城何處不蕭條請看襄子
宮前水依舊東流豫讓橋

懷元美

瑯琊山上越王臺秋色高臨海色開莫向中原
看落日浮雲萬里爲君來

懷明卿

豫章西望彩雲間九派長江九疊山高卧不須
窺石鏡秋風憔悴侍臣顏

懷子相

越王城上黯銷魂萬里秋風動薊門君自平生
稱國士南遷豈負信陵恩

懷子與

青山忽送七閩秋大海遙連百粵流落日孤城
風雨合褰帷何處不堪愁

寄伯承

才子含香滿玉墀仙郎賦就幾人知只今西省
空相憶揚馬風流自一時

寄茂秦

誰惜虞卿老去貧平原食客一時新懷中白壁
如明月何處還投按劍人

寄順甫

江漢秋風萬里生浮雲不見鄂王城于今楚調
無人和憶爾還高白雪情

寄余德甫

使者銜恩入楚天秋風吹動豫章船孤帆遙挂
浮雲色西望長江落日邊

荅殿卿

扁舟歸去五湖春，愁見紅顏掌上新。
明月自閑歌舞地，秋風憔悴捧心人。

答元美

蕭條鸚鵡賦，初成偃蹇當年。
一櫺生屈指中原，餘子盡非君。
誰見孔融名。

汝思見過林亭二首

五柳陰陰逼酒青，一杯須見故人情。
明朝馬上聽黃鳥，不似樽前喚友聲。

自買南山種秫田，幾回留客甕頭眠。
與君今日

拚沈醉莫笑陶家乏酒錢

五日與殿卿遊北渚二首

青樽畫舫嵒湖濱風俗遙傳楚逐臣
潦倒只今君自見那能長作獨醒人

五月五日榴花開故園故人北渚來
君今不飲紅顏去那有長絲繫得回

酬殿卿長史夏日過飲四首

蕭蕭風雨北堂寒客似高陽復罷官
君但能來長夜飲不妨人作酒徒看

故人深愧子雲才
風雨茅廬晝不開
寂寞已甘車馬絕
君今載酒爲誰來

白雲湖上華陽山
那得相看不醉還
明日蓬蒿三徑沒
誰憐長史在人間

美酒新開琥珀光
還堪潦倒故人傍
已拚十日平原飲
怕爾能飛五月霜

九日同殿卿登南山四首

滿天鴻雁雨紛紛
濁酒黃花把向君
莫道龍山高會後
風流今少孟參軍

茱萸美酒玉壺殷此日逢君一醉還愁見孤城
秋色裏不知風雨遍空山

處處登高白髮新年年陶令罷官貧蕭條豈少
東籬菊不見當時送酒人

黃花蕭瑟雨中寒搖落東林木葉卅不是故人
能載酒祇今秋色好誰看

秋日東村偶題二首

西風蕭瑟病相如高枕從他世上踈莫道浮雲
多變態還將秋色到茅廬

五柳青青醉裏春那能長作折腰人情知縱酒
非生事昨日罷官今日貧

九月八日東村送元美

濁酒枯魚自不貧黃花况復席邊新明朝縱及
龍山會那得長逢落帽人

和荅殿卿冬日招飲田間二首

白眼風塵一酒卮吾徒猶足傲當時城中年少
空相慕說著高陽總不知

白雲湖上北風寒茅屋蕭條兩鴉冠我自能憐

華不注推窻君試雪中看

寄慰元美二首

幕府千山薊北青
朗陵賓客夜充庭
卽今無恙荀文若
着膝猶堪當一星

少婦紅妝玉筯寒
清秋銀燭對闌干
無情最是它鄉月
不就仙郎掌上着

王中丞破胡遼陽凱歌四章

匈奴十萬寇遼陽
漢將飛來入戰場
直取單于歸闕下
論功那更數名王

萬里橫行大破胡沙場西北漢軍孤不因驃騎
能深入知有陰山瀚海無

再領樓船護海濱三持節鉞掃胡塵怪來長得
君王寵自是麒麟閣上人

中丞萬馬下榆關拂海旌旗破虜還幕府秋陰
連殺氣散爲風雨暗燕山

春日聞明卿之京爲寄

十載浮雲傍逐臣歸來不改漢宮春摩挲金馬
宮門外誰識當時諫獵人

寄懷元美

塞北江南萬里長
冬天兄弟正相望
誰將匹練吳門色
哭作燕山五月霜

仲鳴蒲桃

萬顆蒲桃照玉盤
西施乳滴露華寒
故人更比相如渴
不向金莖夜夜看

寄元美七首

蘆門城上月婆娑
玉笛誰爲出塞歌
君自客中聽不得
秋風吹落小黃河

白雲何處不漫漫欲寄緜袍薊北寒依舊西山
秋色裏知君此日轉愁看

匣裏龍泉北斗文携來燕趙客如雲自言此劍
千金買不是窮交不惜君

聞道紅顏鏡裏新還堪客子閱青春秋來縱帶
風塵色猶似行吟澤畔人

江南風雨夢扁舟薊北燕花傍酒樓無那故人
擗落盡教君何處不悲秋

落魄初看逐客情風流又似棄儒生路傍年少

從他問不必停車說姓名

漁陽烽火暗西山一片征鴻海上還多少胡笳
吹不轉秋風先入薊門關

重寄元美三首

十載交遊滿帝都五陵年少避呼盧只今惟有
張公子匹馬時時過酒徒

南冠君子繫京華秋色傷心廣柳車此地由來
多俠客不知誰是魯朱家

北斗闌干南斗低啼鳥三匝鳳城樓萬年枝上

秋風起飛入中丞署裏啼

哭子相四首

故園秋色廣陵間
閩海悠悠自不還
縱使蕪城愁易老
那能長客武夷山

清秋不盡客依依
夢裏閩天挂劍歸
莫向延平津口度
恐驚風雨二龍飛

楊子江寒月影孤
秋風吹落射陽湖
故人欲灑臨江淚
湖上明珠竟有無

大江千里日滔滔
秋色遙看入夢勞
莫道故人

枚叔少悲君已厭廣陵濤

荅潘潤夫病中見贈二首

高秋伏枕嵒湖濱憔悴誰憐似楚臣
怪爾紅顏青鏡裏潘郎本自玉爲人

湖上青山對濁醪故人遙望白雲高
愁中那得無秋興賦就看君已二毛

張明府見惠榴柿二首

牀頭春酒百花香醉裏誰知柿子黃
想道故人消渴久秋來爲摘滿林霜

白雲樓詩集卷之三
誰遣明珠掌上來
秋風吹籠石榴開
若非金谷園中樹
定是河陽縣裏栽

湧泉庵

錦陽川上女僧家
紅樹蕭蕭白日斜
弟子如雲人不見
可憐秋老玉蓮花

輓王中丞八首

主恩三遣護三邊
驃騎功名滅虜年
不謂漢軍能失利
猶堪起豕象祁連

司馬臺前列栢高
風雲猶自夾旌旄
屬鏤不是

君王意莫作胥山萬里濤

旌旂海上似雲屯大將登壇國士恩
白馬只今成過隙千秋匹練叟吳門

鐵馬蕭蕭日色黃邊聲殺氣滿漁陽
誰知一夜旌竿折搖落中丞柏上霜

三月漁陽大出師君王按劍捷書遲
鼓聲不爲將軍起豈獨封侯是數奇

莫道江南夢裏遙白楊明日便蕭蕭
門人盡愛傷春句不擬招魂與大招

昨夜烽煙海上青猶聞麾下取龍庭一時雄劍
無精彩遙指燕山落將星

幕府高臨碣石開薊門卅旄重裴徊沙場入夜
多風雨人見親提鐵騎來

別元美二首

北風吹雁雁群呼泗水西流白日徂不見浮雲
千里色知它何處是姑蘇

白雲愁色滿吳門匹馬孤舟不可論一自河梁
攜手後至今猶有未銷魂

戲贈張茂才二首

自愛花枝掌上紅，蛾眉如月綰春風。
須知粉黛隨時變，多恐張郎畫未工。

張郎新製合歡衾，醉擁紅顏燭影深。
別有洞房雙玉妾，吹簫自和白頭吟。

送徐汝思四首

天涯明日故人疎，莫向樽前嘆謫居。
最是孤臣偏雨露，君王不問篋中書。

漁陽幾載傍胡塵，此日驪歌濟水濱。
白首談兵

君自見何須更問請纓人

青樽華髮對銷魂
匹馬孤城日色昏
愛客更爲長鋏引
一時回首孟嘗門

主恩千騎入防秋
幕府遙臨上谷愁
今日故園遷客淚
誰知不是爲封侯

和許右史秋日玉函觀觀伎二首

瑤臺十二玉闌干
月出名花映掌寒
自是仙人君不信
只今誰得醉中看

青鳥翩翩錦字通
玉簫秋冷玉函宮
情知洞裏

如花女共指風流許侍中

秋日許郭殷見在鮑山山莊

玉壺春酒石榴殷此日中林見往還堪是樽前
幾知已那能不愛叔牙山

與三君登樓

誰憐玉粲嬾登樓病起漳南對客秋自喜賦成
多麗句因知座上有曹劉

和許右史初度村興之作

一歌春酒望青天誰識箕山武仲賢我亦穎陽

飲牛客猶堪擊壤共堯年

九日示殿卿

牀頭濁酒浸黃花門外蕭蕭五柳斜
此日登高人盡醉誰知秋色在陶家

山中簡許郭二首

山中酒熟住山中早晚羊何詣謝公
莫道白雲終日在及看秋色向丹楓

金牛谷裏樹蒼蒼一入千峯但夕陽
浪跡莫愁難問訊題詩多在朗公房

送子與五首

北風吹雪雪漫漫雪裏題詩淚不乾豈意故人
摧落後逢君五馬入長安

十年高卧白雲寒懶借新知錦字看不是眼中
人漸少那能相憶使君難

檐帷何處傍風塵握手江湖白髮新此去更沽
燕市酒不知誰作和歌人

中原北望九河分太守楊帆入五雲莫按腰間
鹿盧劍明珠今日便投君

玉帛徵賢謁建章
穎川軒蓋有輝光
君恩儻許留京兆
不必重來下鳳凰

殿卿別業二首

負郭田荒勸客耕
隣家酒熟任逢迎
只今何異吳門卒
枉殺梁鴻變姓名

牀頭詩草日生塵
架上長裾嬾着身
自訝閉門無一事
春來擬作締蕭人

觀獵二首

胡鷹掣銳北風迴
草盡平原使馬開
臂上角弓

如却月當場意氣射生來

十月霜清紫兔肥浮雲不競鐵驄飛半酣驅逐
諸年少盼子城東看打圍

酬許右史九日小山見贈四首

南山秋色照東籬又是陶家載酒期彭澤罷來
無俗客何妨不許白衣知

我愛淮王上客賢小山那在鵲湖邊開尊共泛
金花酒散帙同吟桂樹篇

十載銜杯望白雲天涯此日歎離群重來秋色

生雙鬢更折茱萸插向君

湖上青山遶郭斜
翠微深處半人家
誰知不解登臨苦
醉殺猶堪藉菊花

過劉簿山齋

萬壑千山入戶重
秋來三徑少人蹤
不知君在蓮花府
得似芙蓉第幾峯

宿林泉觀

盥漱焚香坐翠微
煙霞猶在芰荷衣
怪來不作人間夢
一夜寒泉拂牖飛

寄謝茂秦

老去長裾滿淚痕，秋風又曳向何門。可知十載龍陽恨，不道前魚亦主恩。

東村同殿卿送子坤赴選三首

青雲明日羨翻飛，應念陶家獨掩扉。君最往還知五柳，何曾送客解依依。

短褐憐君又遠遊，如今白璧好誰酬。座中楚客曾三獻，纔說連城淚已流。

老去看花上苑春，憐君不厭草堂貧。預知猿鶴

愁無主更屬南隣卧病人

寄元美四首

楚客龍泉照雪霜曾携上國獻君王柰何一閉
豐城後紫氣空干北斗長

馮將白雪寫朱絲總是人間此調悲縱使霑裳
君莫管古來能得幾鍾期

自握明珠掌上愁夜來寒色動隋侯可知按劍
人相視任是銜恩未可投

櫪下長風萬里生誰憐汗血老無成若教一奉

瑤池御八駿如雲不敢鳴

得徐使君所貽王敬美見贈荅寄四首

山中伏枕白雲天江上新詩錦字傳
轉向故人三致意君家兄弟有誰憐

博物張華不易逢十年京洛少從容
當時未得豐城劍已識雲間陸士龍

十載論文畫省開君家二妙日趨陪
那因見和池塘句始羨風流小謝才

弱冠文章滿帝城偶因家難負平生
中原莫恨

論文少海內今無驃騎名

汝寧徐使君十首

汝海清秋四望開白雲長在景夷臺已知千載
無枚叔誰愛風流漢署才

使君爲政雜風騷遶郡青山照彩毫不是賦成
相倡和那須更署范功曹

天子分符漢省郎風煙汝穎更相望府中但得
平輿吏他郡從教下鳳凰

鴻陂東注汝陽城太守乘春出勸耕童子但須

騎竹馬來車休唱芋魁羹

水如垂瓠抱城流西望千山入楚秋帝謂使君
終長者褰帷不必更閩州

高齋卧理簿書閑掾吏裁詩日往還片月不離
桐柏水白雲偏傍弋陽山

高蓋峻嶒駕楚雲驂驪五馬五花文漢庭此日
推經術可是尋常作使君

千騎如雲汝水濱銅符散冕一時新身爲漢主
分憂吏何必龔黃好讓人

三河名郡鬱如林，治行看君結主深。但使便宜
長得請守臣，無意賜黃金。

解道文章老自知，中原病客重相思。故人寥落
看如此，再領專城豈後時。

寄吳明卿十首

平臺秋氣鬱蒼蒼，落日登臨一斷腸。若道子虛
今未就，當年誰遣客遊梁。

梁園高宴日紛紛，帝子風流雅好文。若使平臺
賓客在，已知詞賦不如君。

高齋咫尺小蒙城三載逍遙傲吏情不是春風
常入夢誰知蝴蝶等功名

秋色蕭條傍謫居體中今日定何如從他幾載
風塵吏不作平津相府書

長吏應憐道路傍三年叅佐有輝光縱書下考
關何事不必詩名入薦章

楚娃雙侍玉爲顏勸酒能歌雉子斑醉殺休論
官不調古來遷客幾人還

睢陽小吏困逢迎醉後參差故態生莫倚甘泉

曾獻賦君今久已罷承明

來自廬山五老峯梁園賓客更相從已知無意
二千石出處何如邴曼容

短髮風塵老更繁青雲何日見飛翻由來逐客
人迴避遮莫詞垣與諫垣

梁苑無人秋氣悲吳門回首淚堪垂知君不盡
平生意海內窮交更有誰

送殷正甫內翰之京十首

咸池一奏合宮成帝自垂裳拱玉京多少侍臣

調六館湏君共作鳳凰鳴

春風忽送漢臣還再入承明供奉班
惟得文章成五色朝朝染翰近龍顏

君王賜宴柏梁臺七字新詩漢體開
首倡自天酬不得曲終還賴歲星才

漢家詞客滿金門誰解凌雲感至尊
一出子虛名便起長卿無日不承恩

詔遣詞臣集漢都明年羽獵大誇胡
共憐執戟人猶在莫問長楊賦有無

十載風流侍從臣歸來依舊帝城春
金華殿裏談經客半是同時獻賦人

帝寵詞臣弄彩毫蓬萊宮殿五雲高
自憐一日成三賦不分傍人賜錦袍

紫禁清秋五夜閑金莖玉樹少人攀
不知帝遣神仙吏更直蓬萊第幾山

依舊春風滿建章重來擗管對君王
即看應制偏承寵何處新詩不擅場

東觀風流著作郎滿朝誰不羨恩光
賦成清思

如秋水一片霜毫灑玉堂

促殿卿之官四首

春色平臺散客愁
淮南桂樹小山秋
身為二郡風塵吏
借問何如此薄遊

聞道相知滿帝京
時來不得避功名
縱令再補王門客
恰好逍遙遣宦情

白雲湖上酒家春
坐愛青山誤此身
詩句近來多遠興
那能不作宦遊人

夙昔分符結主歡
今來相國豈微官
也知合有

抽簪日且向山陰雪夜看

酬許使君讀鄙詩見贈二首

江湖幾載避風塵病裏詩成白髮新不是使君
相倡和一時同調更無人

莫道西施寵最深館娃宮女正如林何人不解
矜顏色敢向君王更捧心

少年行二首

胡姬十五堪當壚美酒青絲白玉壺君但携來
成一醉知他誰是霍家奴

裘馬翩翩出建章青樓日日擁紅妝纔開春酒
茶蘼色說甚金莖露未嘗

早夏示殿卿二首

長夏園林黃鳥來百花春酒復新開主人把酒
聽黃鳥黃鳥一聲酒一杯

湖上青山逸屋斜蕭條重枉使君車到來縱遣
柴門閉只在東隣賣酒家

許使君見過林亭二首

解衣沽酒豈辭貧散髮狂歌也自真林下似君

看亦得誰言嵇阮便無人

濁酒自酤還自把先生寄傲南窻下門前五柳
漸看長使君時時來繫馬

謝中丞枉駕見過兼惠營草堂貲四首

夾戶春風五柳斜
逸籬秋色醉黃花
南山只在茅茨外
人道柴桑處士家

車馬紛紛滿四隣
中丞不厭草堂貧
自從一爲蒼生起
高卧如君更幾人

結屋臨湖八九椽
白雲秋色共蕭然
若言長者

無車轍何得中丞乞俸錢
牀頭一卷太玄經湖上千山閉戶青儻憶故園
能載酒貧家不讓子雲亭

送潘令之邯鄲四首

春滿邯鄲十萬家若爲潘令闢繁華請看如玉
叢臺女豈讓河陽縣裏花

爲政風流不下堂漳河春色動宮牆遙知茂宰
鳴琴曲彈作羅敷陌上桑

趙家和璧舊知名千載秦人說蘭生莫道君才

非百里須將高價抵連城

邯鄲出宰氣何雄
佇日徵書奉漢宮
製錦但令成五色
如花豈羨鮑家驄

山齋牡丹三首

醉把名花掌上新
空山開處幾迴春
西施自愛傾城色
一出吳宮不嫁人

西山風雨錦溪寒
春色沈沈醉牡丹
不是故人裁麗句
那能蕭瑟病中看

青山繚繞樹橫斜
中有柴桑令尹家
白髮幾迴

能載酒春風何處不看花

過殿卿山房詠牡丹二首

相國園亭種牡丹枝枝風雨怨春寒主人車馬
城中慣知傍誰家錦障看

國色宮妝倚檻新一樽堪自對殘春即令解語
應相笑何必看花定主人

訪劉山人不值二首

主人三徑草堂斜稚子開門勸喫茶自有白雲
看好客不妨紅葉滿貧家

南窻狼藉半牀書階下蒼苔罷掃除似是隣翁
邀作社不然應釣錦川魚

贈鄭將軍之銅江四首

漢將承恩意氣多樓船十道下牂牁憐君本自
山東妙更許何人繫尉佗

銅柱遙臨幕府高武陵溪水日滔滔桃花不及
驂驪色併與春光照錦袍

白羽如林漢主分萬山遙護長官軍大銅江上
門生笛不是南征不可聞

射策當年捕虜才
提兵又度百蠻來
秋霜已避橫戈氣
春雁應同結陣迴

荅殿卿問疾

斜陽殘雪照樓中
忽枉新詩字字工
無那主人便伏枕
年年不肯讓春風

戲問殿卿止酒狀

昨夜春風吹酒香
牀頭甕甕菊脂黃
當壚笑殺如花妾
底事垂涎若箇長

樓上

白雲湖上白雲還濁酒新詩日日閒無那滿樓
春雪色教人常對玉函山

聞雁得元美兄弟書却寄

春風忽送雁行迴病客新銜白雪杯一度三江
聲自苦君家兄弟寄書來

止酒

五柳先生漉酒巾蕭然東壁挂青春春遠公此日
應相笑也學蓮花社裏人

答張秀才簡病中見寄二首

一歌春酒一漁磯
羨爾江湖老布衣
此日故人誰問疾
柴門深閉雪霏霏

裘馬翩翩自昔時
誰憐華髮卧茅茨
世情一薄如春雪
不是窮交那得知

送金台鄭叅戎二首

征南幕府百蠻遙
擬勒功名寵聖朝
此日漢家銅柱在
何如海上赤城標

帝遣樓船護海鄉
旌旗十萬下東陽
何來劍氣轅門上
夜夜遙看婺女光

荅殿卿過飲南樓見贈二首

二月城頭柳半黃金枝
嫋嫋挂斜陽已知不及
春醪色自起開樽喚客嘗

南樓雪後憶離群
湖上銜杯弄白雲
也道酒如春水薄
樽前無日好無君

和許長史玉函宮携妓二首

玉函宮裏列紅顏
美酒清歌醉不還
春色自應天上好
那嗔長史出人間

清都花發彩雲深
片月高懸

秦女醉新詩，偷得鳳簫吟。

送右史之京十二首

漢家高宴柏梁臺，千載風雲擁上台。
誰得似君珠履貴，親承咳唾九天來。

曾遊上國和陽春，華髮重來一曲新。
身自楚臣誰不識，蘭臺賓客更無人。

一片燕山紫氣中，漢家城闕薊門東。
即今

天子招賢地，非復當年碣石宮。

五雲西北望京華，玉帛年年出漢家。
此去但承

明主問不妨才子更長沙

乞得梁園出漢關那將春色動離顏
惟愁不見鄒枚苦賦就無人解往還

萬國稱藩拱至尊一時詞客出王門
但教日奉西園宴莫道應劉不是恩

金輿山下小清河河上朱樓疊素波
此日爲君西北望浮雲不似客愁多

桃花美酒鳳凰樓公子乘春作宦遊
寒食不知何處過總無風雨亦堪愁

胡姬十五漢宮妝
夾道楊花撲酒香
處處紅樓堪繫馬
莫教春色斷君腸

春風忽斷雁行疎
染翰青雲照錦裾
知爾已傳招隱賦
相思更寄枕中書

秦女窻前桂葉垂
那堪春色闌雙眉
君家自種淮南樹
處處淹留好爲誰

春光明日是長安
楊柳青青傍酒寒
也自道君爲客好
那應猶作故園看

宿開元寺示諸子

在雪樓詩集卷十一
二十年前住此峯白雲流水見相從那知此日
東林會更聽開元寺裏鐘

重寄伯承

桃花不似玉顏紅
顧影揚蛾入漢宮
纔說長門人便老
黃金無賦買春風

荅殿卿潞河旅次見憶之作

十載蕭條作逐臣
長安明日更逢春
那能不醉新豐酒
且自江湖憶故人

錦陽川途中醉歸荅劉山人

錦溪人醉接離斜邀客看花右史家右史未歸
休下馬長安城裏正看花

荅右史於一都城見賣牡丹者因憶故園
之作二首

上苑繁華此一時牡丹偏媚漢宮姿故園春色
無人賞零落空山只自知

長安何處買花還玉女窻前兩度攀可惜漢宮
都不管一枝春色借人間

早春寄吳使君四首

十載風流動帝都只今漂泊滿江湖那能萬里
寒帷處不憶中原一病夫

從它白髮病中生濁酒寧知世上情纔到蓬蒿
人自轉非干仲蔚欲逃名

越王臺上草萋萋楚客寒帷五馬嘶那意故人
將錦字春風吹到七閩西

五馬遙臨百粵春漢家遷客虎符新同時諫獵
堪誰在得到專城有幾人

殿卿乞酒作此寄報二首

遙傳錦札雁池來，問我看春醉幾回。
消渴未能常傍酒，乞君携客上平臺。

新開金掌露，華香贈爾梁園。喚客嘗酒賦，若還遺此品，可湏浮白勞鄒陽。

荅右史問山中與誰把苦

依然濁酒竹林傍，那道窮途便不狂。
白眼生平君自見，可能容易入山陽。

見火齊燈問是右史持入梁

火齊春鎿七采裝，誰投明月向梁王。
也知照乘

珠猶在不是先容不敢張

襲生緋桃栽

白雲湖上酒家春
那更桃花照眼新
今日爲栽三徑裏
憐君也自武陵人

感逝示克懋

春風吹動故人情
昨夜山陽玉笛聲
若使紅顏偏緜冕
誰將白髮老諸生

挽楊生二首

翠羽明珠映掌新
君家長是武陵春
一晴紅淚

千行下腸斷君家有幾人
平生裘馬最翩翩不惜黃金結少年今日蕭條
君不見白楊秋色有誰憐

寄劉子方斗酒

每到花開憶錦溪春醪今日爲君携山中儻值
看花伴醉裏新詩好共題

戲柬張茂才

羅姑春酒百花香潦倒張郎自不妨爲問君家
三婦豔今朝若箇畫眉長

爲右史悼伎二章

翩翩春色夢中微
淚盡紅顏濕舞衣
似愛主人能作賦
化爲流雪兔園飛

梁園修竹孝王栽
散入秋風繞吹臺
此夜斷腸聽不得
月明池上雁還來

訓殿卿秋懷見寄二首

河上秋風雁影開
樽前明月夜還來
兔園一望渾如雪
人在梁王古吹臺

老去王門混酒徒
陳留賓客避呼盧
不知今日

狂何似曾入高陽會裏無

寄送方山人歸歙州二首

河水悠悠雁影長
長安回首淚成行
可憐三十年前客
明日扁舟是故鄉

白髮參參對雪垂
北風吹入雁聲悲
已知客裏黃金盡
杯酒相看好是誰

得大梁書有感却寄殿卿

大梁車馬日如雲
客散夷門酒半醺
更向古人論意氣
不知誰似信陵君

和聶儀部明妃曲四首

青海長雲萬里秋琵琶一曲淚先流
六宮多少良家子不到沙場不解愁

玉門關外起秋風雙鬢蕭條傍轉蓬
恠得紅顏零落盡春光只在合歡宮

天山雪後北風寒抱得琵琶馬上彈
曲罷不知青海月裴徊猶向漢宮看

燕支山下幾回春坐使娥眉誤此身
二八漢宮含笑入一時紅粉更無人

招張少坤

蕭蕭落木下河千秋老東林白露寒爲報陶家
新酒熟黃花三徑待君看

挽耿蠡縣二首

百里風雲接帝闈故園春色重芳菲知君自
是神仙令此日雙鳧何處飛

春色孤城病裏看誰憐白髮漢郎官蠡吾城下
秋風起千載蕭蕭易水寒

十日陶令過東村

樽前無恙滿籬花柳亦蕭蕭映日斜正好故人
成一醉風流那不似君家

子與以服散卧疾因賦姬人怨服散三章
洞房春滿百花明月底紅顏把玉笙道是神仙
君不信人間那得鳳凰鳴

桃花流水赤城山當日劉郎去復還若道不如
天上好何緣二女憶人間

吳姬搗藥楚姬丸獨夜深闈玉兔寒更倚庭前
雙桂樹何人不作月中看

爲徐汝寧贈周真陽二首

使君清怨滿江臯
汝海秋深尺素勞
當日往還門下吏
那知猶有范功曹

使君南國有詩名
屬吏風流思亦清
昨日新林初罷郡
幾人同送謝宣城

寄謝茂秦二首

美人春望望陵臺
臺下漳河去不回
惟有舊時歌舞地
至今風雨自西來

裘馬翩翩四十秋
當時雙璧暫相留
于今客散

平原館說着還鄉已白頭

謝俞仲蔚寄簞

五柳洗楚漉酒巾門無車馬引紅塵
勞將楚簞遙相問高卧中原更幾人

九日

黃花白髮病中新壁上常縣漉酒巾
九日空齋似寒食更無風雨亦愁人

酬段卿寄惠達磨渡江圖

西來遺影少林傳萬里風波一葦前
今日更因

阿堵妙知君已解祖師禪

伏日左史初度寄懷二首

當年曼倩負仙才此日金門割肉回
自罷文園長病渴偷桃好寄故人來

帝子華筵上客開千金爲壽在平臺
如何此日偏相憶幾度同街避暑杯

寄贈梁伯龍

彩筆含花賦別離玉壺春酒調吳姬
金陵子弟知名姓樂府爭傳絕妙辭

和周公瑕荷蘭篇兼呈元美

玉指紅顏擁上春勞君一顧落梁塵當時解贈
同心句漢省風流在幾人

盧城送子與

盧城吹角月輪高夜色侵燈擁二毛明發使君
從此去吳門飛雪見綈袍

寄許殿卿二首

夾道楊花撲玉鞍隋隄三月正漫漫知君日向
平臺醉猶作梁園雪裏看

虛傳車騎故園來，侍宴無非繞吹臺。
雪賦幾篇纔脫稿，諸生已報牡丹開。

聞子與欲至詩以代簡二首

謝客江湖已十秋，浮雲華髮共悠悠。
聞君忽憶陽春調，濁酒還開白雪樓。

吳觀峯高練影長，使君千騎下東方。
故人不惜中原色，借爾登臨望故鄉。

於白雪樓贈子與

綈袍十載北風寒，又說陽春和者難。
直置樓西

華不注使君能得幾回看

再贈真陽

漢家當日渡蘭津
銅柱西南盡外臣
才子似君難便得
始知元不爲他人

芭蕉仕女圖贈吳明卿門人周真陽

春盡芭蕉未着花
玉闌雙倚玉人斜
何如南郡從游日
一面紅妝出絳紗

再爲明卿贈周令

金馬風流漢主恩
一時冠蓋盡王孫
不知澤畔

行吟日那得周郎却在門

簡許殿卿

玉函山色倚嵯峩北渚清秋已自波我欲與君
携酒去不知何處白雲多

和許右史寄懷曾水部之作二首

右史懷人弄彩毫華陽秋送白雲高遙知水部
開槭處不獨鍾山照錦袍

鴻書搖落度江來爲憶風流許掾才曾是支公
門下客秋光偏在雨花臺

重別魏使君四首

楚客褰帷不可留
陽春一曲更難酬
併將別後蕭條色
寫向君家白雪樓

謝客園林已十春
門前車馬任生塵
使君不爲憐同調
何處蓬蒿得故人

君家明月楚江干
價動連城海色寒
不是片心還得似
三年那借故人看

海郡爭傳下鳳群
美人爲政有如君
儵然更遂檐帷去
西望蘭臺入五雲

和右史悼兒篇三首

賦罷人傳絕妙辭，爭如細柳亂輕絲。
那知此日千行淚，竝拂秋風灑雁池。

月出梁園授簡遲，賦成賓客更相疑。
如何照乘珠無恙，却得精光異往時。

颯颯秋風木葉飛，卅陽長史一霑衣。
自憐猶在人間住，玉斧蓬萊去不歸。

荅右史秋懷見寄二首

河上秋風雁影開，樽前明月夜還來。
兔園一望

渾如雪人在梁王古吹臺

老去王門混酒徒。陳留賓客避呼盧。不知今日
狂何似。曾入高陽會裏無。

答殿卿九日見懷二首

黃花獨傍酒邊開。雁過秋風繞吹臺。直置霑棠
聽不得。何須更自故鄉來。

白髮蕭蕭映酒垂。他鄉秋色更堪悲。不知此日
登高處。折得茱萸插向誰。

答元美問余近事二首

山中還往酒家知。纔到蓬蒿客便疑。縱有少年能問字。也應難見子雲奇。

賦罷凌雲氣不降。長揚羽獵妙無雙。老來却解人間事。擁得玄經覆酒缸。

寄俞仲尉

吳門月落洞庭孤。何處扁舟釣五湖。我夢三峯秋色裏。不知曾掃華山圖。

遣侍兒

孔雀雙飛織素年。蛾眉宛轉使君前。桃花流水

人間去何處春光不可憐

贈梁伯龍二首

白雪樓高海氣重吳門詞客過相從可知不帶
紅塵色至自清秋日觀峯

太華峯頭玉女壇別時明月滿長安不知秋色
今多少君到仙人掌上

蕭蕭篇哭孫三首

年年病裏度秋風雙鬢蕭蕭對轉蓬今日隣家
聞玉笛不堪吹入思悲翁

西北浮雲白日微蕭蕭木葉傍人飛那知十載
窮途淚并向秋風濕我衣

西風玉樹一枝殘猶自蕭蕭月影寒白髮只堪
供伏枕那教雙淚更漫漫

歲杪得元美兄弟書却寄二首

北風吹雪雪氍氍雪裏開緘酒半酣但說王家
兄弟好自應春色滿江南

病起逢春上酒卮江南江北正相思中原謾說
先朝事五子風流自一時

荅寄殿卿

平臺春興日堪乘
公子相邀賽信陵
那得更逢寒食下
高齋獨供伏牛僧

荅殿卿代寄正甫

凌雲賦出罷朝天
今上龍飛正渴賢
寄語故人楊得意
白頭堪作病相憐

襲克懋託病不肯入試贈此

白髮蕭蕭一布衣
秋風搖落雁南飛
如何自聽朱絃絕
此調人間識者稀

贈左史

前夜美酒日長携趙女秦箏玉柱低爲問游梁
行所作平臺左史醉如泥

立春日

樽前萃髮影毵毵病客思鄉總不堪一自倦游
三十載那知春色在江南

姑蘇與元美夜飲聞子與二姬將就館喜
寄

吳姬半醉月當壚握手王郎問酒徒聞道君家

雙玉妾一時同唱鳳將雛

荅贈沈文學四首

浙江潮落海門高
王氣千年照綵毫
有客已成枚叔賦
無人更羨廣陵濤

海門中斷出吳關
北望江流九折還
一日故人携酒處
白雲千載鳳凰山

西湖一片白雲秋
影落孤山水上浮
君自神山誰不見
月明同在李膺舟

江城春盡盡飛花
花拂青尊日影斜
寂寞更無

奇字問可知曾到子雲家

春興

自瀉金波滿玉盤使君沉醉不為難
新馱二七如花女又向春風一笑看

勞別子與二首

武林山對海門開不枉登臨酒一杯
十載故人零落盡有誰還為度江來

馬卿元自漢詞宗天子同時歎不逢
總為故人邀貴客故將車馬過臨邛

寄贈元美四首

石耳

寒巖摘耳石峻嶒下有波濤氣鬱蒸知汝清齋
常自愛不當持供五湖僧

龍井茶

美人持贈虎丘茶起汲吳江煮露華龍井近來
還此種也堪清賞屬詩家

藤障子

九疊風生障子深蘭臺上客賦披襟休疑古蔓

龍蛇走猶帶松杉十里陰

螺杯

鸚鵡雙飛白玉盤
金漿一瀉萬珠寒
故人自有相如渴
明月煩君掌上看

李柱史蜀扇

明月團團掌上開
清風猶自灑西臺
誰將一片峨眉雪
濯錦江寒萬里來

寄憶殿卿

江南行色照青春
白髮相看夢裏新
憶爾故鄉

歸未得梁園風雪正愁人

將至梁園寄殷卿

誰擅梁園作賦才只今枚叔在平臺春風好為
傳消息恰是相如漢署來

寄汪惟一

白髮朝看鏡裏新江南江北總風塵陽春一曲
元難和同調于今有幾人

為劉伯東題王母圖壽太夫人

翩翩五鳳五雲開客自金門侍從才六月海東

桃又熟。親隨阿母漢宮來。

雪中懷許殿卿

斜陽忽送鮑山寒。客裏登樓屬歲闌。獨為銜杯
向何處。思君不見雪漫漫。

荅許殿卿辭鶴之作

緜嶺翩翩白雪姿。玉堂詞客寄相思。開籠持贈
無他意。不是仙人不許騎。

白雪樓詩集卷十二

六言律

郡齋同元美賦得遺字

城上西山黯黯齋中秋草離離風塵微祿相誤
踈拙除書自遺落日故人對酒白雲仙吏裁詩
蕭條回首何處徙倚論心此時

初度日子與過署中同賦

東海鍾靈此日西方誕聖彌旬玉清老子同姓
金粟如來後身佳客稱觴上壽新詩落筆生神

度江我自知已下榻誰為故人

六言絕句

同元美賦得寒字

秋風萃髮相看落日青山自寒薄宦何如濁酒
故人誰在長安

醉示元美

拂衣不免違俗縱酒還堪達生偶爾故人握手
看他豎子成名

四言

效阮公二首

太清孔陽元氣細
縕靈曜縣鑒列宿
垂文威鳳振羽神
龍作鱗蕙蘭幽鬱
松桂輪囷

日照月臨天高氣
清金支秀萃羽林
翠旌六駕龍秋四
牡鸞鳴濯纓雲漢
晞髮增城

三言

郡齋同元美賦得陰字

漳之潯大陸陰天落落日駸駸誰爲郡此滯淫
君在坐倍蕭森嗟波及邈陸沈酌我酒聽長吟
秋無色風雨深山欲出薜蘿侵淚相視卧獨臨
滄海夢白雲心來何處別至今

孤城夜楓樹林漂短髮問抽簪

一知音

書刻白雪樓詩集後

嘉靖間。庶下李滄溟先生。稱詩上國。我天目徐師與。俱比六七公。踴躍詞林。論者以為風雅中興。殆猶建安開元時也。天下士莫不欣慕其風。趨而還之。古可為有明慶矣。先生尋解秦。歸卧鮑山十年。謝容樓居。吟嘯自適。裒積篇章。凡若

千卷。楚有魏使君分符茲郡。以碣石舊侶。時造酣歌。殊愜心賞。出集相示。使君遂以白雪名樓。集授諸梓。

今上即位。詔起先生持憲。荆江人皆亟欲聞白雪音。莫之應。元不師氏拜先生凡三上。即謂孺子勤勤可教。訢然賦長律賚之。并以後稿屬

元續前集校刻。既拜命之辱。歸。以請叙中丞汪公。傳佈海內。元資適逢世。得附驥尾。其希覲哉。

隆慶四年正月。門人新都汪時元識。